

續修白鹽井志

卷拾貳

卷十二

雜志

繩郵坊表
祥異古蹟

勝景塚墓
軼事異聞

續修白鹽井志卷之十一

雜志

續修井志既以天文地理建置食貨祠祀武備秩官選舉人物藝文分別門類有條不紊矣此外有事例歧出非諸志所能附者別爲雜志一篇雖事非一類然以類相從亦不類而類之意也

蠲卹

續修白鹽井志

卷十一雜志

序略

一

坊表

祥異

古蹟

勝景

冢墓

軼事

異聞

蠲卹 雜志之一

我

國家湛恩汪濊羣生涵濡洋溢乎方外白井雖僻壤小
邑凡恭逢

慶典皆霑實

惠卽遇偏災亦蒙蠲賑茲敬志蠲卹一篇以彰
恩賚於無諉云

明

并舊志永樂間白井滷竭課虧豁免逋課
并舊志萬曆間豁免沙課五百金

續修白鹽井志

卷十一 雜志 蠲卹

二

國朝

姚安府志康熙二十二年大軍開復全滇總督蔡毓
榮巡撫王繼文

奏請蠲免姚安府荒蕪田賦欽奉

諭旨將荒蕪田地勘丈申報蠲免租賦三年

并舊志雍正元年庠生夏正年百歲提舉楊光遠詳
報咨部奉

旨褒封壽官

舊雲南通志乾隆四年奉

旨白琅二井舊規節禮銀貳千捌百餘兩裁免在案

〔并舊志〕乾隆年間貢生李適中年九十三歲疊受
恩賞二次

〔採訪〕嘉慶己卯年

恩賜翰林夏勳朝珠羹湯

〔採訪〕道光元年苴却永北軍興大兵經過供億煩苦
奉

旨免秋糧十分之三

〔採訪〕同治九年回逆亂平奉

旨蠲免租賦三年其荒蕪田地經有司詳報蠲免租賦十
年

續修白鹽井志

卷十一 雜誌

蠲卹

三

〔採訪〕同治十二年署提舉呂之樸倣舊案詳請孤貧
口糧奉准由課款井費項下每月開支銀九兩三錢
發給孤貧三十一名在案

〔採訪〕光緒三年督撫以兵燹殉難官紳士庶兵丁婦
女等請

旌欽奉

諭旨准建祠坊並賜卹賞銀六千一百兩在案

坊表

雜志之二

國家准建坊表所以旌善行著榮名也白井自前明至本朝勵名節登高科者代不乏人皆給建坊之費表其門閭特兵燹圯毀及現存者亦有可稽茲訪其基址姓氏詳著於篇於以繼古人表宅里以樹風聲之意云

科名坊 採訪在南關外里許兵燹火燬光緒二十五年提舉文源重修書歷代科名及忠孝節義姓名

司業坊 在觀井大街嘉慶癸酉

恩賜翰林夏勳建今廢

歷周百度坊 在舊井寶泉坊康熙元年

續修白鹽井志

卷十一 雜志

坊表

四

恩賜百歲文庠夏正建今廢

篤孝坊 在舊井正街御史陳學夔爲孝子廩生李秀
白建今廢

紀恩坊 在舊井乾隆五十二年刑部安徽司主事知
紫陽縣事張志超建現存

恩錫懿行坊 在喬井行春橋右順孫季望魯建現存
孝廉方正坊 在觀井咸豐元年增生陳濤建現存
世德發祥坊 在觀井道光辛丑年翰林甘守先建列
闔族科名於上今廢

孝廉方正坊 在觀舊兩井間道光二年增生羅萬寶

建兵燬今重建

順孫坊 在界井大街乾隆十五年廩生王蔭遠建現存

太史第坊 在觀井環龍橋街道光庚子翰林甘守先建庚午舉人甘潮重建現存

賜進士坊 在舊井萬壽宮前康熙庚戌進士樊仲琇建現存

進士第坊 在觀井乾隆己未進士甘美建今廢

進士第坊 在喬井行春橋街道光甲辰進士羅憲章建現存

續修白鹽井志

卷十一 雜誌

坊表

五

進士第坊 在舊井大街嘉慶庚辰進士甘岳建現存

賜進士坊 在界井上路直額書

帝曰聲音洪亮六字乾隆己丑進士李天駿建今廢

亞元坊 在觀井乾隆辛卯舉人楊德美建今廢

經魁坊 在喬井行春橋街道光乙未舉人羅憲章建現存

亞魁坊 在觀井咸豐乙卯舉人王開先建今廢

登科坊 在舊井正街明崇禎壬午舉人席上珍建後更爲萬壽宮

登科坊 在姚州南街明白井舉人邱鑑建姚安知府

趙澍重修列歷年舉人姓名於上今廢

兄弟聯科坊 在界井乾隆乙酉舉人夏元凱乙卯舉人夏元會全建現存

祖孫父子兄弟叔姪聯科坊 在界井道光甲辰舉人張渠成建今廢

父子兄弟聯科坊 在喬井同治庚午舉人羅羣芳重建現存

文魁坊 在喬井乾隆丙辰舉人張露建現存

文魁坊 在舊井乾隆壬申舉人彭廷顯建今廢

文魁坊 在喬井正街乾隆乙酉舉人季昌魯建現在

續修白鹽井志

卷十一 雜誌

坊表

六

文魁坊 在觀井後街乾隆戊子舉人張伯桂建現存

文魁坊 在舊井乾隆己酉舉人陳瑛建現存

祖孫聯科坊 在觀井後街嘉慶庚午舉人王時行咸

豐辛亥舉人王庭棻建現存

文魁坊 在舊井咸豐辛亥舉人彭瑞清建現存

兄弟聯科坊 在舊井正街同治庚午舉人羅其珮光

緒己卯舉人羅其璋建現存

文魁坊 在界井文廟街乾隆己卯舉人張鑑聖建今廢

文魁坊 在界井後街乾隆乙卯舉人張敦樸建今廢

文魁坊 在舊井後街同治癸酉舉人彭紹先建現存

文魁坊 在喬井行春橋街光緒己卯舉人羅其澤建現存

文魁坊 在界井後街道光己亥科舉人甘渠建今存

文魁坊 在界井光緒己丑舉人張如翼建現存

文魁坊 在觀井庚子辛丑舉人趙錫璋建現存

文魁坊 在喬井光緒庚子辛丑舉人張之霖建

選元坊 在尾井嘉慶癸酉拔貢何慶山建坊存

副魁坊 在觀井後街乾隆癸酉副榜張達天建現存

副魁坊 在界井道光庚子副榜羅羣書建今廢

副魁坊 在觀井後街道光丙午副榜楊晉建今廢

續修白鹽井志

卷十一 雜誌

坊表

七

貢元坊 在觀井正街康熙戊寅歲貢甘洲建今廢

歲進士坊 在舊井正街雍正歲貢樊魯哲建現存

貢元坊 在喬井正街雍正丙午歲貢甘二南建現存

歲進士坊 在喬井後街乾隆歲貢生季方甲建現存

歲進士坊 在舊井正街乾隆貢生張志皋建現存

進士坊 在喬井大街道光庚寅歲貢郭遵周建現存

恩進士坊 在觀井環龍橋街道光辛巳恩貢張輝堂

建現存

歲進士坊 在觀井道光貢生李鍾瑞建今廢

恩進士坊 在尾井正街同治癸亥恩貢何天秩建現

存

歲進士坊 在尾井正街咸豐丁巳歲貢布施南建現

存

明經第坊 在界井正街同治壬申歲貢布方俊建現

存

貢元坊 在舊井正街同治辛未歲貢王崑建現存

貢元坊 在喬井正街同治甲戌歲貢王守典建現存

貢元坊 在觀井後街光緒戊寅恩貢甘世忠建現存

科貢第坊 在舊井後街光緒甲申歲貢王宗禹建現

存

續修白鹽井志

卷十一 雜誌

坊表

八

進士坊 在觀井義學橋街光緒丁亥歲貢陳希孔建

現存

進士坊 在喬井光緒二十五年廩生王守章爲恩貢

王璽建現存

世科第坊 在喬井後街光緒丙申歲貢羅羣第建現

存

武魁坊 在觀井康熙庚子武舉王惟寬建今廢

武魁坊 在祠堂箐街道光甲辰武舉李時升建現存

國子監典簿坊 在尾井煥橋增生布遠量建現存

貢元坊 在尾井大街光緒己亥歲貢張汝勳建現存

昇平人瑞坊 在界井正街現存

文魁坊 在喬井乾隆庚寅舉人羅萬善建今存

文魁坊 在觀井正街道光丙午舉人甘時清建今存

御筆旌表節孝坊 在觀井雍正十三年儒童王希孔妻

張氏建今廢

張理妻妾雙節坊 在尾井後街現存

李恒美妻節孝坊 在尾井今廢

李友桂妻節孝坊 在界井今廢

張若麟妻節孝坊 在尾井現存

布魁先妻節孝坊 在尾井現存

續修白鹽井志

卷十一 雜誌

坊表

九

張象奎妻節孝坊 在界井大街現存

劉秀鼎妻劉世輔妻雙節坊 在界井大街現存

羅萬善妻羅鳳儀妻雙節坊 在喬井大街今廢

張樸妻節孝坊 在觀井今廢

李根元妻節孝坊 在舊井寶泉坊左現存

何汝珍妻節孝坊 在尾井大街現存

由榮章妻節孝坊 在觀井環龍橋右現存

張潤妻節孝坊 在觀音箐現存

陳伊周妻節孝坊 在舊井蕭祠對門並列陳瑛文魁

額於上

白增妻節孝坊 在舊井今廢

王九章妻王肇統妻雙節坊 在界井現存

張震妻張世崇妻雙節坊 在界井今廢

樊明誠妻樊作屏妻雙節坊 在舊井今廢

王之心妻王國英妻雙節坊 在觀井今廢

張景德妻節孝坊 在喬井新建

祥異 雜志之三

春秋書災不書祥亦不言所應欲後世自爲觀省也
蓋政事之得失休咎應焉此史志不廢災祥之紀也
井舊志紀載變異頗爲詳備迨西迤兵興異徵叠見
茲詳訪以續於篇則畏天威而盡人事者庶可以召
休祥而弭乖異也

井舊志

起明宏治元年訖
國朝乾隆十年

明

宏治元年地震

正德元年五月六日地震

續修白鹽井志

卷十一雜志

祥異

十一

景泰四年大旱民多饑死

成化元年陰雨無秋

八年大水傷禾

嘉靖十六年鼯鼠徧野

三十九年七月霪雨傷禾

四十一年正月五井提舉司界內麥秀兩歧三歧

四十二年八月霪雨浹旬

萬曆二十一年大水漂流居民百餘家仍大疫

二十三年大水

三十七年七月黑蟲食禾殆盡十月西北五色雲見

自未至申乃散鬻宮地產靈芝

三十八年二月至六月不雨

四十三年二月至六月不雨十月五色雲現西北

四十六年十一月彗星見長竟天至十二月乃滅

崇禎三年七月二十八日丑時大雨後河流汎漲凡

井地廟宇橋梁官衙民舍器物等俱漂沒溺死男婦

千餘填埋井口

十六年地震有聲民居傾圮無數

十七年十二月二十六日自五馬橋起至明眞宮大

街左右屋俱焚

續修白鹽井志

卷十一 雜誌

祥異

十二

國朝

康熙元年歲豐稔

十九年冬十月彗星長如疋練月餘乃滅

二十年元旦彩雲南現

五十六年界井產白燕

雍正元年十月三十日恭逢

萬壽聖節黎明彩雲絢爛周天至次日乃散

六年十月晦彩雲現

十三年泮池出甘泉

乾隆九年七月二十六日大水漂沒官房民居竈房

七十餘間井眼填塞

乾隆十年正月初六日彩雲南現

採訪

起乾隆四十六年
訖光緒二十六年

乾隆四十一年四月大疫六月至八月地屢雪

四十六年八月十六日至二十九日每日地震數次

民房多有傾圮及被焚者

五十年歲大熟

嘉慶六年大疫死者千餘人

八年地震墻垣多有傾圮者

十二年二月初三日有物如星尾長三尺許自西南

續修白鹽井志

卷十一 雜誌

祥異

十三

流於東北有聲光燭暗室

二十一年風秕無收米升千錢民饑死者甚眾兼脚

轉筋症有筋縮脚曲者一二時即斃

二十二年六月二十八日竟夜大水暴漲舊井竈戶

衝水湧出街口阻塞居戶傾圮漂流十餘人

二十三年至道光十年歲屢豐

道光九年明真宮被燬

十一年元旦彩雲南現初九日又現自午至未始散

六月二十四日白燕飛宿舊井

二十年白燕飛宿觀音井

二十六年巽宮地產靈芝六月二十六日竟夜大水
河漲數十丈兩岸居戶井眼橋梁多有傾圮人民湮
沒無算

二十六年正月初七日午刻火焚五馬橋沿街上下
被祿者九十餘戶

三十年五月初五日午刻地震二十六日辰刻復震
未刻大震有聲如雷八月初八日子辰二時地震有
聲十二月二十二日戌刻有流星長丈餘從空橫飛
光明如電隱隱有聲

咸豐四年夏秋大疫死者二千餘口是時夜不扃關

續修白鹽井志

卷十一 雜誌

祥異

十四

街無行人提舉達洪阿飭卽行安厝恐樞有舛錯且
慮尸氣傳染焉

六年四月初七日有星如船光芒丈餘自西而東落
地有聲

九年至同治八年每逢官兵賊匪將攻井前數十日
黃昏後近井四山豺狗千百成羣吼聲不絕其音悲
慘聞者莫不股慄井陷後形聲俱無不知去向

同治元年夏初至冬月民大疫

二年三月地大震有聲

七年四月某日辰時日見抱珥彩霞絢爛

十年七月至八月久雨傷禾穀盡風秕米價騰貴民有採野山藥雜樹果野草子以充饑者

十一年歲大熟秋間民大疫

十二年秋冬大疫

十三年秋大疫

光緒四年秋未至冬初大疫俱紅痰痒子症患者一二日卽斃

光緒五年大水泛漲湮沒井署鹽店及民居竈房損倉鹽甚多

五年至七年夏秋間俱大疫歲屢豐

續修白鹽井志

卷十一 雜誌

祥異

十五

九年五月十三日亥時有流星自北而南火光燭天有聲如雷

十一年十月二十一日竟夜星隕如雨有自下而上者有橫飛如織者繁如螢火其光炫目數時漸落無迹

十二年巽宮泮池蓮開並蒂提舉鄭永齡有詩載藝
文志

十四年彗星見西方

十五年六七月間申酉時太白晝見

二十三年正月二十五日戌刻地大震

二十四年五月十九日有五色氣沿街環繞飄忽有光

二十五年六月十七日酉時狂風大作吹折龍泉寺古樹民居屋瓦皆響安豐井隄柳連根拔出村居茅屋有揭去者八月十五日晚微雨後九寨赤石崖喇鮮麼三河大水陡漲澎湃汹涌沿河田禾被水淹沒二十六年七月初六日戌時地震有聲

古蹟

雜志之四

白井界在偏隅奇蹟罕覩雖有遺蹟亦闐寂耳然往蹟流傳自有不可湮沒者茲本之舊志附以訪聞編輯古蹟一篇以爲嗜古者之考證焉

諸葛軍營 〔并舊志〕在安豐井西南二里許山頂相傳武侯南征息軍於此查此地鑿土爲塹高不盈三尺大不過數畝恐非大軍所駐或係其偏師遊騎曾營此耳又地之北數十里外亦有軍營故蹟抑其信宿所駐者按升菴丹鉛錄渡瀘辨云孔明出師表五月渡瀘今爲瀘州非也瀘州古之江陽而瀘水乃今之

續修白鹽井志

卷十一 雜志

古蹟

十七

金沙江卽黑水也其水色黑故以瀘名之耳沉黎古志孔明南征由今黎州路黎州四百餘里至兩林蠻目兩林南瑟瑟部三程至雋州十程至瀘水瀘水四程至弄棟卽姚州也今之金沙江在滇蜀之交一在武定府之江驛一在姚安府之苴却沉黎志孔明所渡當是今之苴却也瑟瑟亦作風琶兩林今邛部長官司也又查苴却在今之大姚縣東北離井二百餘里其渡師旣由苴却則鹽井爲必至之路所傳軍營或其遺跡錄此以備考

石羊

〔參姚安府志并舊志〕在大界衝內相傳洞庭龍

女嫁涇河龍子遭讒被逐牧羊於此有羊餽士因掘之得石羊尋獲滷泉聞於朝遂封女爲郡主石羊爲將軍立廟祀之 〔採訪〕大界衝卽今大東關內昔供石羊於郡主之左今移供於界井龍祠

石龍 〔採訪〕在井北鐵索箐有石蜿蜒如龍綿亘九十餘里旋繞鐵索箐之照壁山龍口有泉出焉

石豬 〔採訪〕在井南十里柳樹塘後山昔傳有牧豬者至此風雪驟至夜不得歸至曉人與豬俱化爲石今有數石猶似其形

古樹 〔採訪〕在妙華寺側卽劉邦瑞井志所謂白蓮三

續修白鹽井志

卷十一 雜誌

古蹟

十八

俊也郭存莊井志云舊有三株今祇存一老幹蓋數百年物今爲兵燹摧殘矣

鐵索箐石壁 〔採訪〕在井北鐵索箐石壁上刻樂春山明巡撫鄒應龍題十字又峯頂有大石倒垂欲墜滴泉清響下鑿苔卧綠沉嘯竹主人題九字

紅塔村石壁 〔採訪〕在井南紅塔村有土坡怪石磷磷貢生李繼朝隱居於此石上題有函谷關三字伯陽復出四字

老鼠山 〔採訪〕老鼠山在妙華寺側司治右井舊志又名嶂下貴人峯昔年五馬橋上下屢遭回祿有精堪

輿者以老鼠山遙對迴龍山而象山亘於北鳳嶺橫於南宛似離卦爲火象以石磴坎卦於山巔以制之自後無火患

土鍋營 〔採訪〕在東關外山巔有土硬大數畝外凸而中凹其形似鍋俗以土鍋營呼之疑諸葛壘卽此地也

鐵鎖橋 〔採訪〕在鐵鎖箐河中兩岸石壁高數十丈昔人用鐵鎖穿石壁架木爲橋以渡壁上刻砥柱狂瀾四字今橋廢

遺筆 〔採訪〕康熙未昆明陳時夏未遇時遊學至井讀

續修白鹽井志

卷十一 雜誌

古蹟

十九

書於東關外五葉菴中題有山高月小之額又井西天乙山古寺遺有眞蹟數十幅今現存

茅亭 〔採訪〕在喬井行宮後太上菴之右山勢巖業闢地二畝餘建六角茅亭於上階砌窈曲徧植羣花懸陳時夏題額又聯茅亭宿花影風泉清道心凭欄之頃煙雲杳靄樓閣參差山影花香神怡心曠洵佳境也經亂圯毀

竹林村 在舊井相傳元孝子趙和舊居在此與鄉賢席公宅相鄰俗名火燒地今易名太平地

五桂亭 〔採訪〕在觀井魚池後舉人張伯桂建今廢

宜月亭 〔採訪在北關外齊雲閣小池旁水甚清冽月
出時金波滉漾〕

龍泉溪 〔採訪在觀音箐中卽水亭觀瀑之瀑布泉也
魚池 〔并舊志在南關外郭存莊新鑿引溪水入池畜
魚其中栽芰荷以備遊覽〕〕

甘泉 〔舊志〕大王廟有上下二泉味皆甘上泉今架椳
流關內注之石缸汲飲稱便具下一泉湧出石罅味
更清冽煮茶爲勝向來司署取汲之提舉郭存莊鑿
甃深廣建亭其上以障塵濁匾曰羊郡甘泉 〔採訪
泉存亭廢〕

續修白鹽井志

卷十一 雜誌

古蹟

二十

御筆節孝坊 〔採訪在觀音寺山麓相傳文武至此皆
下轎馬久廢〕

節井 〔採訪在土主廟中乃明孝廉忠烈席公妻封氏
殉節處乾隆乙丑大使沈鴻儒倡建咸豐丙辰重建
礎石六角亭於井上壯麗工整鑄井人題咏於上今
現存載藝文志〕

節烈石坊 〔採訪在土主廟中對峙節井僞參軍王廷
鑾建上鑄兵燹殉節婦女姓名今存〕

故里碑 〔採訪在南關外白塔山麓巍峩壯麗中石碑
大署明孝廉席忠烈公故里左右碑分紀席公及孝〕

子趙和李秀白傳畧咸豐三年建碑傳題咏均載藝
文志

觀音像 〔并舊志〕觀井山上常有白衣婦人出現眾意
建刹掘地適獲觀音銅像遂祀之 採訪後移供聖
水亭中光緒丁酉亭被燬像存

勝景

雜誌之五

名山勝水原供雅人之遊赤壁蘭亭必得品題而顯
白井地雖僻處而水秀山明每饒佳境舊有古蹟八
景人多豔稱雍正初劉公創修井志復增爲十目乾
隆中郭公卽舊景而增損之題爲新八景茲彙而紀
於篇覺彈丸小邑菁華著焉俾登眺之餘亦可資觸
目興懷之致云

羊城古八景

載劉邦瑞井舊志

石羊獻瑞

昔洞庭

郡女牧羊於斯其羊餽土驅之不去遂掘得石如羊
謂之舐羊石因名石羊郡女受敕封至今立廟祀之

續修白鹽井志

卷十一雜誌

勝景

二十二

象嶺祥雲 井之北爲水口有山如象雲氣常浮遇
賢司牧恤竈惠商則德政所徵卽見出岫之雲兼五
色以覆於嶺上 文殊返照 文殊閣名閣後山高
面西故日出則背之及金烏西墜反見一山懸崖絕
壁並數石硿中光輝照耀 白塔樵牧 南來大路
將近井突起一團山山上建古塔高數丈以培風脉
樵子牧童曳斧柯吹短笛歌吟上下亦足爲幽賞之
助 谷口橫煙 井之南有谷口因眾竈起煎有一
帶輕煙飄渺斜橫儼若長虹不斷 香河夜月 夜
中之月到處皆然惟香河流至湯家衝口正際兩山

之高凹每到月出時但見山高月小一帶蟾光順衝
口穿出掩映清流 白蓮三俊 白蓮卽妙華寺前
有喬木三株歷年久遠青葱古幹眾鳥爭棲每盛夏
時居民借以避暑因名三俊 龍泉曉鐘 龍泉古
刹名每際鷄鳴平旦時聲徹四隅聞者莫不深牯亡
之警堅修省之志

劉公井志十景 五龍盤井 井有五以觀舊喬界尾
命名設立五龍神廟 萬馬歸槽 環山奔馳結井
形勢若此 洞庭神牧 天寶時洞庭郡女顯神托
牧羊而開眼井 阿拜銀沙 東數里有阿拜井久

續修白鹽井志

卷十一 雜誌

勝景

二十三

封閉齶浸沙面如銀 滷滴仙音 井底滷從石竅
滴出夜聽之如仙樂迭奏 烟凝春靄 闔井煎熬
薪煙晝夜不斷儼然四序皆春 鑪烹雪汁 起煎
之時以鐵鍋熬滷須臾鹽翻白雪 地滾晶毬 白
井鹽以手團置地上蓋火俟乾滾出 平溪雪案
平溪小井鹽沙地也井已封閉而齶氣浮於河邊一
望宛如雪案 薪市雲衢 凡煎鹽柴薪皆四鄉人
以牛馬載運入關落落風塵常兼雲氣可占市井之
蕃庶矣

郭公井志八景

龍山聳秀

山名迴龍頭角崢嶸林

木蒼蔚眾山環拱香河繞流倚崖壁建佛宇下爲龍
吟書院倍增佳勝 象嶺蒸雲 山如象形鎖水而
卧舊傳四季常有瑞霧祥雲 寶岫朝烟 山名寶
關每晨烟嵐籠罩叢林隱現可觀 文殊夕照 井
南北極山崖壁峭削文殊閣建其上古木森挺每至
午後返照洞壑峯巒如畫 天台高眺 寺在象山
之巔登望羣山皆俯一川如畫最爲巨觀 石谷春
遊 由南關外沂水而西田園村墅別一風煙山僻
有甘氏園花木池亭頗堪遊玩 水亭觀瀑 亭在
綠蘿山側觀音井後水從山腰流下淙淙有聲山木

續修白鹽井志

卷十一 雜誌

勝景

二十四

清翠欲滴雖盛夏無蠅坐眺之餘心神清曠 香河
夜月 在湯家衝口舊傳每於月初出時河影中一
帶蟾光掩映清流順衝口穿出清皎可玩

石谷八景 採訪一曰天池古硯二曰筆架文山三曰
黃巖積雪四曰丹潑溫泉五曰彌陀現影六曰夜火
星羅七曰江外奇峯八曰滑石雲版

冢墓

雜志之六

古者公墓掌於冢人邦墓掌於墓大夫蓋欲使孝子仁人之心有所稽考歷久而不忘也後世古制盡失名人塋冢久而就湮茲特遠稽近訪凡鄉賢名公之墓彙載於篇而以漏澤園義地各條附焉俾覽佳城者有所興感而名賢兆域不湮於荒煙蔓草間也

明提領所王衮墓 〔採訪在象山巔〕

訓導李舒白墓 〔採訪在格古觀音寺山腰〕

忠烈席上珍墓 〔採訪在小井松樹林面山之上〕

孝子趙和墓 〔採訪在南郊演武廳迤山半〕

續修白鹽井志

卷十一雜志

冢墓

二十五

孝子李秀白墓 〔採訪在南郊白石谷橫路上〕

節烈封氏墓 〔採訪在白石谷水月菴對山〕

鄉賢僕應東墓 〔採訪在北關外僕家墳〕

鄉賢邱鑑墓 〔採訪在李家庄團山之右〕

太史夏勳墓 〔採訪在李家庄團山之右〕

太史甘守先墓 〔採訪在井東曇華山〕

進士樊仲琇墓 〔採訪在舊井鎖水閣後楸木園〕

進士李天駿墓 〔採訪在土鍋營〕

進士甘美墓 〔採訪在甘家山麓〕

進士甘岳墓 〔採訪在排口喇山麓〕

進士羅憲章墓 〔採訪在南郊土地祠山上〕

義勇何永興墓 〔採訪在南郊來蘇閣後山〕

忠義甘時清墓 〔採訪在甘家山右〕

義勇張洋墓 〔採訪在北關外僕家墳〕

義地 〔郭存莊井志〕一在南關外白塔山下生員張夔

捐置 〔又一在楊亞元宅後〕又一在大水塘北

又一在硝礮衝內 又一在文殊閣旁乾隆丙子提

舉郭存莊捐置 東關外一在安豐井賚奏陳秉籥

捐送郭存莊新設 〔採訪〕一在東關照壁山文生

羅龍章捐置 又一在小石井 北關外一在僕家

續修白鹽井志

卷十一 雜誌

冢墓

二十六

墳下 又一在採香橋下右側 又一在唐家墳前

西關外一在大灣子右 又一在寶關山 又一在

妙華菴右 東南竹坪箐門口半山上至嶺崗左與

趙姓交界右與下至甘姓交界增貢羅堯章捐置

軼事 雜誌之七

白井事蹟已於各門分載矣此外有父老相傳未便
彙入諸志中者輯爲軼事一篇以資觀覽焉

關聖顯靈 〔并舊志〕明崇禎三年水災將 聖像漂至

金沙江屢次顯靈江邊彝人數百里送回 〔採訪道

光丙午年六月二十六夜雷雨大作河水泛漲兩岸
屋宇人民漂流無數而廟址低窪水未浸入又五馬
橋梓人高發揚屋中藏有覺世真經木板時水漲盡
逃鄰居盡沒此屋獨存人皆謂帝君之呵護焉

土主顯靈 〔并舊志〕順治己丑流寇張虎之亂自大姚

續修白鹽井志

卷十一 雜誌

軼事 二十七

竄入意在盡擄井民殺之行至黎武坡隱見黑面七
星冠帶者擁大蓋來虎不知其何神執井民訊之乃
知爲土主是日謁廟以劍倒掛神手祝曰神若有靈
不忍民無辜被戮使此刀柄下墜而不出鞘掛三日
果如其言虎神之井民因以保全鹽道李衛來滇至
洞庭颶風暴作舟將覆忽見空中有神冠服來迎以
劍指舟須臾風止波平到滇後問所見之神知爲白
井土主臨井瞻拜乃述其巔末復命人至廣東購一
紫油木椅加工精製獻於廟中至今猶存 〔採訪道
光間時疫大作有請乩者神書一額曰由唐及今歷

數百年而爾井顯十二字又聯曰入山四十年修身
體道全孝德於和甯源源本本我只把性天中完了
根行證位八百載仗劍伏魔著神爽在鹺泉世生
生但願得化育裡都是好人相傳開光日生員王琮
默念未知神之來歷是夜卽夢神以印照官銜示之
醒忘其文祇記末有大唐天寶八年三月云

眞武顯靈 〔井舊志〕舊井明眞宮相傳白井水災時有
披髮仗劍者呼廟祝於夢中曰水至矣急負我出廟
祝醒悟知爲眞武顯靈遂負出須臾殿傾頽崇禎甲
申年十二月二十八日火災井民先見一頭陀呼曰

續修白鹽井志

卷十一 雜誌

軼事

二十八

快走快走廟旋被焚其顯應如此

龍王上任 〔採訪〕在界井萬安橋東名新井未鑿時有
提舉由京蒞任至洞庭見鄰船燈有特授白鹽井五
字異而問之其人對以奉天子命任白井並告以上
任日期至井後適獲鹹泉興所告上任日期相符始
晤前所遇乃龍王也今所塑像蓋提舉傳述焉

白蛇蟠廟 〔井舊志〕西南五里有白石谷上下二井開
自元時係鹽課司大使所轄後因竈倒丁絕奉文永
閉相傳封閉時有一大白蛇蟠土主廟三日而後去
〔採訪〕今官裁井廢

白燕 〔採訪〕道光二十年有白燕飛宿觀井遂有金馬
玉堂之兆二十四年飛宿喬井亦有雁塔題名之徵
考爾雅釋鳥燕燕鳥郭樸註詩云燕燕于飛一名元
鳥齊人呼鳥而無白燕之說亦無白鳥之似燕者案
世說篇紫胸輕小者爲越燕胸斑黑聲大者爲胡燕
作巢喜長白井惟此二種然則白燕殆因時而產以
兆科名歟

九月過年 〔採訪〕同治十三年秋間時疫大作井司令
五井居民粘帖新聯換桃符薦春如元旦厥後疾漸
止

續修白鹽井志

卷十一 雜誌

軼事

二十九

偏鬚 〔採訪〕嘉慶初年觀井有老人李姓者善奕夏暑
方盛至呂祖閣乘涼午間忽一人至對奕移時其人
曰可向外取杯酒飲之何如李白諾遂扃門同出飲
畢復入李見棋曰子亂一着矣其人以手拂李鬚曰
好高棋言畢尋杳惟几上有一呂字始知所遇乃呂
仙也李鬚遂偏於左李至八十一而終今長坡嶺尙
有偏鬚墳云

巨蟒 〔採訪〕相傳尾井有一蟒蛇出沒無常光緒初年
廩生張汝翼見於屋後長三丈許巨如桶呼眾欲擊
之蟒亦不懼昂首吐舌似有鬪意老人布方伯止眾

擊是物若通人語也者遂蜿蜒趨入井洞眾恐復出
運土甄塞之後開井汲滷其封如故而是物渺矣

小青龍 採訪井東赤石崖村後有一山箐名小青龍
高峰兀突懸崖皆赤色高數十仞因以名村焉山之
巔形如盤廣丈餘中有龍湫泉清而冽其旁茂林蔽
日樹葉無落其中者相傳有小青龍居此明萬曆間
進士陶珽任陝西隴右觀察因便道謁天師府見捧
茶者披羊皮如猓夷狀珽意以爲簡褻殊不悅天師
以赤石崖小青龍供職告且曰此物性剛君適輕之
必作狡獪遂以几上筆贈之令懸於輿中珽疑信相

續修白鹽井志

卷十一 雜誌

軼事

三十

參及辭甫出門雪雹驟至惟輿左右咫尺無雹今其
地山霧偶起雨雪卽至人皆謂小青龍所致是則山
名小青龍蓋地以神傳歟

靈官現像 採訪象山天台寺落成日欲瘞靈官未識
其像有羽士言能致其真形命列油鼎於大門油沸
俄見神像現其中美髯金鞭火輪貌甚威嚴工人繪
畢尋滅

石枕 採訪乾隆年間有工人於三岔營得一石似枕
形上有漢丞相製四字取以作枕至初更枕內報云
一更無事二更亦如之至三更報云有豹食豕土人

異之出視果然以枕爲妖破之內有小瓦人一復合而枕之後無驗

鹽禍 〔採訪〕乾嘉間滇中以官鹽苦民疾之嘉慶二年三月二十四日迤西諸州縣一時民變各赴衙門呼鬧縛官親門丁書役及本地紳衿之爲受害者百端凌辱竟有抉眼折足者大姚受禍更甚姚州已聚至數千人將爲亂有貢生王元旦等曉以利害眾感悟遂散 初中丞彭齡於四年蒞任 奏請定竈煎竈賣民運民銷之法滇人大悅

怪異爲聖人所弗道然神降石言之類具載春秋此述異齊諧子不語等書所由作而史志亦不廢其說也茲續修井志於豐凶星火風雨之變則已編入災祥一篇矣若夫事多不經而有異跡可徵者採而紀之雖反常爲妖亦可爲妄言妄聽之一助云耳

經魁 〔採訪〕進士李天駿未領鄉薦時讀書天台寺一日黃昏後始返至半途聞有二人在後私語曰可請渠用馬糞一曰不可此本年經魁也行數武昏黑莫辨俄見有燈前導書經魁二字至寺門尋滅是年果

續修白鹽井志

卷十一 雜志

異聞

三十二

中經魁

彭老先生 〔採訪〕咸豐間石馬匠作亂知州普惠率州練克復令井人夜守號火巡更競向白蓮寺後採樵有析椿樹內現彭老先生四字是後土人屢入寇陷井論者以四字皆有土殆先機之兆云

一卵三黃 〔採訪〕光緒壬辰喬井郭士昌家鷓鷯伏一卵碩大無朋欲烹之中有三黃異而棄之是年士昌遇不幸事者三

紙人 〔採訪〕光緒丙戌年至自省者傳言教匪用紙人持剪刀入人家剪髮辮及雞翅者必死惟用硃書齧

齷齪齷四字粘於門可以制之六月間忽相傳雞翅多有被剪者驗之翅毛果去其半而雞如常鎮南州志小兒有失髮辮者數人皆無恙白井則無髮辮被剪者

瓜仙主 採訪亂世人心惶惑一物之異皆能假託致亂同治中井北夷村名大姑者有夷人某圃生瓜大三四圍諸夷驚異某遂以瓜爲符瑞造童謠云瓜出土大如鼓滅漢人稱仙主諸夷益惑之遠近紛紛來附推某爲酋長號瓜仙主四出焚掠或云瓜仙主卽妖道人稱龍仙主者是也

續修白鹽井志

卷十一 雜誌

異聞

三十三

香水河 採訪乾隆間井幕有董任者詠香河夜月詩
註云土主像乃香木彫成前明河水盛漲像逆流而上人驚其神因名河爲香水云

觀音麪 採訪嘉慶丙子民大飢米升千錢霽虹橋山上出黃土細膩知粉民爭食之呼爲觀音麪土性重滯不化多有脹死者先是有異僧手持一餅以釘釘之沿街呼曰餅子易喫釘子難捱明年丁丑水災冬間有脚轉筋症死者甚眾

重修白鹽井志跋

會稽章實齋先生淵雅超悟好譚史法所著文史通義多透宗語先輩推爲一代奇書當與劉知幾史通並傳所修郡邑志多且著詳畧得宜矩度粲然可循實齋嘗論志乘者國史之要刪可備石室金匱之紬采可不慎旃然亦有因地因人不能自盡其意者甚矣修志之難也

盡臣李公祖署白井提舉惠政不勝述尤以文獻爲己任井志久失修商之紳耆謀所以賡續之稿成屬

式釗

潤色

式釗平日論修志頗以實齋爲宗今於井志竟不能規摹其義法何也井人意主詳贍以十餘里廣袤之境成書盈

續修白鹽井志

卷十一 雜誌

跋

三十四

尺欲其簡雅勢不能況所載藝文案牘契帳居其半皆前人筆所以徵實旣不能毅然芟削轉不如存其真之猶可考信也校閱數過改訂者皆其小疵耳知不足副

蓋臣之盛心然世有通人必能因文見義或不以瞽於史法相訂則六幸矣

光緒二十有七年歲在辛丑孟冬月

翰林院檢討保山吳式釗跋